


Aber es hatt ein bergkeillhaww / von der ackerkeillhaww disen vndercheidt / dise ist am vnderen teil breit vnd scharpff / jene aber gespitzt / mit diser wirt ein linder gang wie da gemeinlich ein irdischer pflegt zusein / außgehawen. Zu gleicher weis habendt auch die kratze vnd schauffell von den gemeinen kein vndercheidt / mitt dem einen scharrendt sie die erdt vnd tisz züsamen / mitt dem anderen werffen sie eben dise ding in die gfeß.

Keillhaww A. Kratze B. Schauffell C.



Die erdt aber vnd die gstein sampt dem arz / vnd anderẽ dingẽ / die man auß der erden hauwett / wann sie mitt der keillhawwen / oder mitt dẽ bergkeisen außgehawen seindt / so werden sie in kœblen / oder kœrben / oder ledernẽ secken auß den schächten gezogen / mitt lauff karren oder hundẽ auß den stollen her auß gefürt / vn auß beiden trögen her auß getragẽ. Es seindt zweierley trög / die nicht von gestalt / auch nicht von matery / sonder allein mitt der größe von einander seindt. Die kœbell fassendt gar nach bey sechs vn dreissig kannen / so viel als ein donnen begreiffet / die grösseren seindt offtermals woll sechs mal weiter / dan derẽ ist kein begreiffliche weitte / sonder ist offtermals manigfaltig. Beide werden gmacht auß brettern / vnd zweien eisenen reiffen / vnder welchem sie mitt einem oben / mitt dem anderen vnden gebunden werden / dan die hesseln vnd eichenen reiff / so sie an die wendt der schlechten stossen / werdenn sie leichtlich zerbrochen / die eisenen aber wärendt. Wie aber die brett der donnen / dicker / vnd breitter seindt / allso auch die reiff / beiden aber seindt acht stab eisen in sonderheit / damit sie vester vnd stercker seyendt / die ertlicher massen breit / vnder welchen vier vornn oben des reiffs vnder sich ghondt / vier aber jhnen vornn vnden obsich zü entgegen kommen / auch beiden boden / der innerlich vnd eusserlich / wirt mitt zweien oder dreyen stabeisen / vnd von einem teil des vnderen reiffs zum anderen gehörendt / befestiget. Aber derenn die aufferhalb seindt / wirt ein anders überzwerch daran geschlagẽ / beide aber habendt eisene handt / haben die oben hinauß ghondt / beide auch ein halbenn eisenen reiff / welches vn d teill ist in die handthaben gestracks eingeschlossen / das er ringer mag bewegt werden. Seindt aber mehr hoch dan breit / an beidenn ist das oberst teill weiter / das

ter / das